

四庫全書

集部

欽定四庫全書

集部

御定全唐詩卷三百二十四至九

詳校官庶吉士臣胡 鈺

主事銜臣徐以坤覆勘

總校官知縣 臣 繆 珙

校對官典簿 臣 劉景岳

謄錄監生 臣 何 銓

欽定四庫全書

御定全唐詩卷三百二十四

權德輿

送杜尹赴東都

商於留異績河洛賀新遷
朝選吳公守時推杜尹賢
如綸披鳳詔出匣淬龍泉
風雨交中土簪裾敞別筵
清明人比玉照灼府如蓮
佇報司州政徵黃似潁川

送孔江州

一作送人之九江

九派尋陽郡分明似畫圖秋光連瀑布晴翠辨香鑪才
子厭蘭省邦君榮竹符江城多暇日能寄八行無

送渾鄧州

年少守南陽新恩印綬光輕軒出繞雷利刃發干將風
勁初下葉雲寒方護霜想君行縣處露冕菊潭香

堦橋達奚四十于十九陳大三侍御夜宴叙各賦

二韻

一作堦橋
夜宴叙別

滿樹鐵冠瓊樹枝樽前燭下心相知明朝又與白雲遠

自古河梁多別離

酬別蔡十二見贈

伊人茂天爵，恬澹卧郊園。
傲世方隱几，說經久顓門。
浩歌曳柴車，詎羨丹轂尊。
嚴霜被鶉衣，不知狐白溫。
游心羲文際，愛我相討論。
潢汙忽朝宗，傳騎令載奔。
崢嶸歲陰晚，愀愴離念繁。
別館絲桐清，寒郊煙雨昏。
中飲見逸氣，縱談窮化元。
佇見一作看公車起，聖代待乞言。

揚州與丁山人別

將軍易

一作亦

道令威仙華髮清談得此賢惆悵今朝廣

陵別遼東後會復何年

送台州崔錄事

不嫌臨海遠微祿代躬耕古郡紀綱職扁舟山水程詩
因琪樹麗心與瀑泉清盛府知音在何時薦政成

送信安劉少府

自常州參軍選授

相看結離念盡此林中祿夷代輕遠遊上才隨薄祿參

卿滯

一作若

孫楚隱市同梅福吏散時泛舫賓來閒覆局

襟情無俗慮談笑成逸躅此路足灘聲羨君多水宿

送李城門罷官歸嵩陽

城門院在
遺補院東

與君相識處吏隱在牆東
啟閉千門靜逢迎兩掖通
罷官多暇日肄業有儒風
歸去塵寰外春山桂樹叢

一作蘭桂

送上虞丞

越郡佳山水菁

一作清

江接上虞計程航一葦
試吏佐雙

鳬雲壑窺仙籍風謠驗地圖
因尋黃絹字為我弔曹盱

送盧評事婺州省覲

知向東陽去晨裝見綠衣客愁青眼別家喜玉人歸漢
漠水煙晚蕭蕭楓葉飛雙溪泊船處候吏拜胡威

送崔端公郎君入京覲省

已見風姿美仍聞藝業勤清秋上國路白晷少年人帶
月輕帆疾迎霜綵服新過庭若有問一為說漳濱

送張周二秀才謁宣州薛侍郎

儒衣兩少年春棹轂

一作轂

溪船湖月供詩興嵐風

一作煙嵐

費酒錢上帆涵浦岸

一作極浦投

歌枕傲晴天不用愁羈旅

宣城太守賢

送張將軍歸東都舊業

功名不復求舊業
向東周白草辭邊騎
青門別故侯
摧殘寶劍折羸病
綠珠愁日暮
寒風起猶疑大漠秋

送句容王少府簿領赴上都

上國路綿綿
行人候曉天
離亭綠綺奏
鄉樹白雲連
江露濕征袂
山鶯宜泊船
春風若為別
相顧起尊前

送從弟謁負外叔父廻歸義興

異鄉兄弟少見爾自依然來酌林中酒去耕湖上田何
朝逢暑雨幾夜泊魚煙餘力當勤學成名貴少年

送梁道士謁壽州崔大夫

年少一仙官清羸駕綵鸞洞宮雲渺渺花路水漫漫歲
計芝田熟晨裝月帔寒遙知小山桂五馬待邀歡

送鄭秀才貢舉

西笑

一作去

意如何知隨貢舉

一作士

科吟詩向月露驅馬

出煙蘿晚色平

一作寒

蕪遠秋聲候鴈多自憐歸未得相

送一勞歌

送謝孝廉移家越州

家承晉太傅身慕魯諸生又見一帆去共愁千里程沙

平古

一作煙

樹迴潮滿曉

一作晚

江晴從此幽深去無妨隱

姓名

送韓孝廉侍從赴舉

貢士去翩翩如君最少年綵衣行不廢儒服代相傳曉
月經淮路繁陰過楚天清談遇知己應訪孝廉船

送陸拾遺祗召赴行在

鵷鷺承新命，翻飛入漢庭。
歌詩能合雅，獻納每論經。
月曉蜀江迥，猿啼楚樹青。
幸因焚草暇，書札訪沈冥。

送暎師歸本寺

還歸柳市去，遠遠出人羣。
苔甃桐花落，山窻桂樹薰。
引泉通絕澗，放鶴入孤雲。
幸許宗雷到，清談不易聞。

送宇文文府赴行在

行在一作官

送君當歲暮，斗酒破離顏。
車騎擁寒水，雪雲凝遠山。
且

安黃綬屈莫美白鷗閒從此圖南路青雲步武間

送岳州溫錄事赴任

解巾州主簿捧檄不辭遙獨鶴九霄翼寒松百尺條
晨裝沾雨雪旅宿候風潮為政閒無事清談肅郡僚

送山人歸舊隱

工為楚辭賦更著魯衣冠歲儉山田薄秋深晨服寒
武人榮燕頤志士戀漁竿會被公車薦知君久晦難

惠上人房宴別

方袍相引到龍華
支策開襟路不賒
法味已同香積會
禮容疑在少施家
逸民羽客期皆至
疎竹青苔景半斜
究竟相依何處好
匡山古社足煙霞

送裴秀才貢舉

儒衣風貌清

一作羞此別

去抵漢公卿
賓貢年猶少
篇章藝

已成臨流惜暮景
話別起鄉情
離酌不辭醉
西江春草生

送袁太祝衢婺巡覆

同用山字

校緡稅畝不妨閒清興自隨魚鳥間知君此去足佳句
路出桐溪千萬山

送湖南李侍御赴本使賦採菱亭詩

舊俗採菱處津亭風景和沅江收暮靄楚女發清歌曲
岸縈湘葉荒堦上白波蘭橈向蓮府一為枉帆過

送穆侍御歸東都

知君儒服貴綵繡兩相輝婉婉成名後翩翩擁傳歸江
深煙嶼沒山暗雨雲飛共待酬恩罷相將去息機

送崔端公赴度支江陵院三韻

照字

津亭風雪霽，斗酒留征棹。
星傳指湘江，瑤琴多楚調。
偏愁欲別處，黯黯頽陽照。

送陸太祝赴湖南幕同用送字

三韻

不憚征路遙，定緣賓禮重。
新知折柳贈，舊侶乘籃送。
此去佳句多，楓江接雲夢。

送李處士歸弋陽山居

限姓名
中用韻

暫來城市意何如，却憶葛

一作葛

陽溪上居。不憚薄田輸

井杭自將嘉句著州間波翻極浦檣竿出霜落秋郊樹
影疎想到家山無俗侶逢迎只是坐籃輿

送清皎上人謁信州陸員外

暫辭長老去隨緣候曉輕裝寄客船佳句已齊康寶月
清談遠指謝臨川灘經水瀨逢新雪路過漁潭宿暝煙
暇日若隨千騎出南巖只在郡樓前

送別同用闊字 三韻

耿耿離念繁蕭蕭涼葉脫緇塵素衣敝風露秋江闊想

得讀書窗巖花對巾褐

送人使之江陵

賞字

嘉招不辭遠捧檄利攸往行役念前程
讎游睽舊賞征
軺星乍動江信潮應上煙水飛一帆
霜風搖五兩紛紛
別袂舉切切離鴻響後會杳何時
悠然勞夢想

餘干贈別張二十二侍御

一作餘干
別張侍御

蕪城陌上春風別于越亭邊歲暮逢
驅車又愴南北路
返照寒江千萬峯

雜言賦得風送崔秀才歸白田限三五六七言

暄
字

響深澗思啼猿閣入蘋洲暖輕隨柳陌暄澹蕩乍飄雲
影芳菲偏滿花源寂寞春江別君處和煙帶雨送征軒
雜言同用離騷體送張評事襄陽覲省

黯離堂兮日晚儼壺觴兮送遠遠水霽兮微明杜蘅秀
兮白芷生波泣泣一作
泣兮煙幕幕凝暮色於空碧紛離

念兮隨君沂九江兮經七澤君之去兮不可留五采裳

分木蘭舟

嶺上逢久別者又別

十年曾一別征路

一作
旆

此相逢馬首向何處夕陽千萬

峯

贈別表兄韋卿

新讀兵書事護羌腰間寶劍映金章少年百戰應輕別
莫笑儒生淚數行

古離別

一作古
別離

人生天地間，暫若六轡馳。夭壽既常數，奈何生別離。跡
當中人域，正性日已衰。是非千萬境，杳靄情塵滋。出門
事何常，暫別亦難期。冉冉歎流景，悠悠限山陂。盡此一
夕歡，華罇會前墀。雞鳴東方曙，夙駕臨通逵。欲出強移
步，欲留難致辭。兩情不得已，念此留何為。天明去已遠，
寂然居人歸。入門復上堂，怳怳生驚疑。經履同遊處，猶
言常相隨。覽物或臨盤，一作鏡翻怪來何遲。乃知前日歡，
本為今日悲。特此一作翻思別後心，寧及未見時。則知交疎

分久久翻易持報君未別後別後當自知

御定全唐詩卷三百二十四

欽定四庫全書

御定全唐詩卷三百二十五

權德輿

早夏青龍寺致齋憑眺感物因書十四韻

寺壁有第

氏庶

子詩

曉

一作晚

出文昌宮憩茲青蓮宇潔齋奉明祀憑覽傷夙

古秦為三月火漢乃一抔土詐力自湮淪霸儀終莽鹵
中南橫峻極積翠洩雲雨首夏諒清和芳陰接場圃仁

祠閤嚴淨稽首洗靈府虛室僧正禪危梁燕初乳通莊
走聲利結駟乃旁午觀化復何如刳心信為愈盛時忽
過量弱質本無取靜永環中樞益愧腰下組塵勞期抖
擻陟降聊俯僂遺韻留壁間淒然感東武

仲秋朝拜昭陵

清秋壽原上詔拜承吉卜嘗讀貞觀書及茲幸齋沐文
皇昔潛耀隋季自顛覆撫運斯順人救焚非逐鹿神祇
戴元聖君父納大麓良將授兵符直臣調鼎餼無彊傳

慶祚有截荷亭育仙馭凌歊氛神遊棄黃屋方祇護山
跡先正陪巖腹杳杳九峻深沈沈萬靈肅鳥飛田已闢
龍去雲猶簇金氣與林巒乾岡走崖谷吾皇弘孝理率
土蒙景福擁佑乃清夷威靈諒回復禮承三公重心愧
二卿祿展敬何所伸曾以斧山木

拜昭陵出城與張祕監閣老同里臨行別承在
史館未歸尋辱清辭輒酬之

仲月當南呂晨裝拜穀林逢君在東觀不得話離襟策

馬緣雲路開緘扣玉音還期纔浹日里社酒同斟

酬馮監拜昭陵迴途中遇雨見示

之子共乘輶清秋拜上霄

寢宮有上霄門

曙霞迎夙駕零雨濕

迴鑣甘谷行初盡軒臺去漸遙望中猶可辨耘鳥下山
椒

朔旦冬至攝職南郊因書即事

大明南至慶

一作應

天正朔旦圓丘樂六

一作九

成文軌盡

同堯歷象齋祠忝備漢公卿星辰列位祥光滿金石交

音曉奏清更有觀臺稱賀處黃雲捧日瑞昇平

奉和張監閣老過八陵院題贈杜卿崔貲外

宗飾山園孝理深萬方同感聖人心已聞東閣招從事
每向西垣奉德音公府從容談婉婉賓階清切景沈沈
與君跬步如同舍終日相期此盍簪

奉和鄭賓客相公攝官豐陵扈從之作

時充鹵簿使

五輅導靈輶千夫象繚垣行宮移曉漏綵仗下秋原莫
究希夷理空懷渙汗恩頤神方蹈道傳聖乃尊尊共祝

如山壽俄驚憑几言遐荒七月會
旂纓百靈奔豹尾從風直鸞旗映日翻
塗芻聯法從營騎肅旌門杳靄虞泉
夕淒清楚挽喧不堪程盡處嗚咽望文園

詹事府宿齋絕句

清齋四體泰白晝一室空
摧頽有古樹騷屑多悲風

和王祭酒太社宿齋不得赴李尚書宅會戲書

見寄

元禮門前勞引望
句龍壇下阻歡娛
此時對局空相憶

博進何人更樂輸

酬裴端公八月十五日夜對月見懷

涼夜清秋半空庭皓月圓
動搖隨積水皎潔滿晴天
多病嘉期阻深情麗曲傳
偏懷賞心處同望庾樓前

奉和崔閣老清明日候許閣老交直之際辱裴
閣老書招云與考功苗曹長先城南遊覽獨行

口號因以簡贈

時德輿以疾
故有阻追遊

紫禁宿初迴清明花亂開
相招直城外遠遠上春臺
諫

曹將列宿幾處期子玉深竹與清泉家家桃李鮮折芳
行載酒勝賞隨君有愁疾自無悰臨風一搔首

和張秘監閣老獻歲過蔣大拾遺因呈兩省諸

公并見示

二賢同載筆久次入新年焚草淹輕秩藏書厭舊編竹
風晴翠動松雪瑞光鮮慶賜行春令從茲佇九遷

酬崔舍人閣老冬至日宿直省中奉簡兩掖閣
老并見示

令節一陽新西垣宿近臣曉光連鳳沼殘漏近雞人白

雪飛成曲黃鐘律應均層霄翔迅羽廣陌駐歸輪清切

晨趨貴恩華夜直頻輟才時所重

九月中楊閣老權知吏部選事

分命

秩皆真

十月中崔閣老正拜本官德輿正除禮部受命前一日分草詔詞

左掖期連茹

南宮愧積薪九年叨此地迴首倍相親

八月十五日夜瑤臺寺對月絕句

羸女乘鸞已上天仁祠空在鼎湖邊涼風遙夜清秋半

一望金波照粉田

仁祠寺也見後漢書楚王英傳

夏至日作

璿樞無停運四序相錯行寄言赫曦景今日一陰生

二月二十七日社兼春分端居有懷簡所思者
清晝開簾坐風光處處生看花詩思發對酒客愁輕社
日雙飛燕春分百轉鶯所思終不見還是一含情

甲子歲元日呈鄭侍御明府

萬里煙塵合秦吳遂渺然無人來上國灑淚向新年世
故看風葉生涯寄海田屠蘇聊一醉猶賴主人賢

七夕

佳期人不見天上喜新秋
玉珮霑清露香車渡淺流
東西一水隔迢遞兩年愁
別有穿針處微明月映樓

嘉興九日寄丹陽親故

窮年路岐客西望思茫茫
積水曾南渡浮雲失舊鄉
海邊尋別墅愁裏見重陽
草露荷衣冷山風菊酒香
獨謠看墜葉遠目偏秋光
更羨登攀處煙花滿練塘

九日北樓宴集

蕭颯秋聲樓上聞
霜風漠漠起陰雲
不見攜觴王太守
空思落帽孟參軍
風吟蟋蟀寒偏急
酒泛茱萸晚易醺
心憶舊山何日見
併將愁淚共紛紛

奉陪李大夫九日龍沙宴會

遲字

龍沙重九會千騎
駐旌旗水木秋光淨
絲桐雅奏遲煙蕪
斂暝色霜菊發寒姿
今日從公醉全勝落帽時

臘日龍沙會絕句

簾外寒江千里色
林中罇酒七人期
寧知臘日龍沙會

却勝重陽落帽時

嚴陵釣臺下作

絕頂聳蒼翠清湍石磷磷先生晦其中天子不得臣心
靈棲顥氣纓冤猶縑塵不樂禁中卧却歸江上春潛驅
東漢風日使薄者醇焉用佐天子特此報故人人一作則

知大賢心不獨私其身弛張有深致耕釣陶天真奈何
清風後擾擾論屈伸交情同市道利欲相紛綸我行訪
遺臺仰古懷逸民矰繳鴻鵠遠雪霜松桂新江流去不

窮山色凌秋旻人世自今古清輝照無垠

曉發武陽館即事書情

清晨策羸車
嘲哢聞村雞
行將騎吏親
日與情愛睽
東風變林樾
南畝事耕犁
青菰冒白水
方塘接廣畦
雜英被長坂
野草蔓幽蹊
一作鳥鹵成沃壤枯
株發柔荑
芳

樹鶯命雛深
林麕引麕
杳杳途未極
團團日已西
哲士務纓弁
一作紱鄙夫戀蓬藜
終當稅塵駕
盥濯依春溪

豐城劍池驛感題

龍劍昔未發泥沙

一作池

相晦藏向非張茂先孰辨斗牛

光神物不自達聖賢亦彷徨我行豐城野慷慨心內傷

奉使宜春夜渡新淦江陸路至黃蘗館路上遇

風雨作

草草理夜裝涉江又登陸望路殊未窮指期今已促傳

呼戒徒御振轡轉林麓陰雲擁崑端靈

一作霈

雨當山腹

震雷如在耳飛電來照目獸跡不敢窺馬蹄唯務速虔

心若齋禮

一作禱

濡體如沐浴萬竅相怒號百泉暗奔瀑

危梁慮足跌峻坂憂車覆問我何以然前日受徵祿轉
知人代事纓組乃徼束向一作何若家居時安枕春夢熟
遵途稍已近候吏來相續晚霽心始安林端見初旭

細柳驛

細柳肅軍令條侯信殊倫棘門乃兒戲從古多其人神
武今不殺介夫如搢紳息駕幸茲地懷哉悚精神

渭水

呂叟

一作氏

年八十皤然持釣鉤意在靜天下豈唯食營

丘師臣有家法小白猶尊周日暮駐征策愛茲清渭流

宮人斜絕句

一路斜分古驛前陰風切切晦秋煙鉛華新舊共冥冥

日暮愁鴟

一作鴟

飛野田

敷水驛

空見水名敷秦樓昔事無臨風駐征騎聊復捋頰鬚

朝元閣

繚垣複道上層霄十月離宮萬國朝胡馬忽來清蹕去

空餘臺殿照山椒

石甕寺

石甕靈

一作寒

泉勝寶井汲人迴挂青絲綆厨煙半逐白

雲飛當晝老僧來灌頂

盤豆驛

盤豆綠雲上古驛望思臺下使人愁江充得計太子死
日暮戍園風雨秋

晚渡揚子江却寄江南親故

返照滿寒流輕舟任搖漾支頤見千里煙景非一狀遠
岫有無中片帆風水上天清去鳥滅浦迥寒沙漲樹晚
疊秋嵐江空翻宿浪胸中千萬慮對此一清曠回首碧
雲深佳人不可望

新安江路

深潭與淺灘萬轉出新安人遠禽魚淨山深水木寒嘯
起青蘋末吟矚白雲端即事遂幽賞何心挂儒冠

月夜江行

扣船

一作
能

不得

一作
能

寐浩露清衣襟彌傷孤舟夜遠結

萬里心幽興惜瑤草素懷寄鳴琴三奏月初上寂寞

一作

寒江深

江城夜泊寄所思

客程殊未極艤櫂泊迴塘水宿知寒早愁眠覺夜長遠
鐘和暗杵曙月照晴霜此夕相思意搖搖不暫忘

陪包諫議湖墅路中舉帆

同用
山字

蕭蕭涼雨歇境物望中閒風際片帆去煙中獨鳥還斷

橋通遠浦野墅接秋山更喜陪清興尊前一解顏

富陽陸路

又入亂峰去遠程殊未歸煙蘿迷客路山果落征衣
石臨清淺晴雲出翠微漁潭明夜泊心憶謝玄暉

曉

曉風搖五兩殘月映石壁稍稍曙光開片帆在空碧

晝

孤舟漾暖景獨鶴下秋空安流日正晝淨一作浮綠天無

風

晚

古樹夕陽盡空江暮靄收寂寞扣船

一作舡

坐獨生千里

愁

夜

猿聲到枕上愁夢紛難理寂寞

一作寂

深夜寒青霜落秋

水

御定全唐詩卷三百二十五

欽定四庫全書

御定全唐詩卷三百二十六

權德輿

奉和韋諫議奉送水部家兄上後書情寄諸兄
弟仍通簡南宮親舊并呈兩省閣老院長

駟牡龍旂慶至今一門儒服耀華簪人望皆同照乘寶
家風不重滿籬金護衣直夜南宮靜焚草清時左掖深
何幸末班陪兩地陽春欲和意難任

奉和史館張閣老以許陳二閣長愛弟俱為尚

書郎伯仲同時列在南北省會於左掖因而有

詠

伯仲盡時賢平輿與潁川桂枝嘗徧折棣萼更相鮮丹

地晨趨並黃扉夕拜聯豈如分侍從來就鳳池邊

主客水部

二負東西對行二閣老併在左掖也時諸以為分就西垣則具美相類故戲書末韻

韋賓客宅與諸博士宴集

累抗乞身章湛恩比上庠賓筵徵稷嗣

一作翼

家法自扶

陽簪組歡言久琴壺雅興長陰嵐冒苔石輕籟韻風篁
佩玉三朝貴揮金百慮忘因知卧商洛豈勝白雲鄉

酬張祕監閣老喜太常中書二閣老與德輿同

日遷官相代之作

時祕書監亦
同日拜命

珠樹共飛棲分封受紫泥正名推五字貴仕仰三珪繼
組心知忝

德輿代太
常為禮部

腰章事頗齊蓬山有佳句喜氣在

新題

國子柳博士兼領太常博士輒申賀贈

博士本秦官求才帖職難臨風曲臺淨對月璧池寒講
學分陰重齋祠曉漏殘朝衣辨色處雙綬更宜看

過隱者湖上所居

蝸舍映平湖皤然一魯儒唯將酒作聖不厭谷名愚兵
法窺黃石天官辨白榆行看軟輪起未可號潛夫

從叔將軍宅薔薇花開太府韋卿有題壁長句
因以和作

環列從容蹠蹠歸光風飴蕩發紅薇鶯藏密葉宜新霽

蝶遶低枝愛晚暉艷色當軒迷舞袖繁香滿逕拂朝衣
名卿洞壑仍相近佳句新成和者稀

奉和許閣老霽後慈恩寺杏園看花同用花字

口號

時德興
當直

杏林微雨霽灼灼滿瑤華左掖期先至中園景未斜
含毫歌白雪藉草醉流霞獨限金閨籍支頤啜茗花

奉和陳閣老寒食初假當直從東省往集賢因

過史館看木瓜花寄張蔣二閣老

一作陳閣老
當直從東省

過史館看
花寒食假

晝漏沈沈倦瑣闌西垣東觀閱芳菲
繁花滿樹似留客
應為主
人休澣歸

晚秋陪崔閣老張祕監閣老苗考功同遊昊天
觀時楊閣老新直未滿以詩見寄斐然酬和有
愧蕪音

方駕遊何許仙源去似

一作勝

歸縈迴留勝賞蕭灑出塵

機泛菊賢人至燒丹姹女飛
步虛清曉

一作晚

籟隱几吸

晨暉竹迳琅玕合
芝田沆瀣晞銀鉤
三洞字瑤笥六銖
衣麗句翻紅藥
佳期限熬微徒然
一相望郢曲和應
稀
春日同諸公過兵部王尚書林園

休沐君相近時容
曳履過花間留客
久臺上見春多松
色明金艾鶯聲雜
玉珂更逢新酒熟
相與藉庭莎

與沈十九拾遺同
遊棲霞寺上方於
亮上人院
會宿二首

攝一作躡山標勝絕
暇日諧想矚縈紆
松路深繚繞雲巖

曲重樓迴樹杪古像鑿山腹人遠水木清地深蘭桂馥
層臺聳金碧絕頂摩淨綠下界誠可悲南朝紛在目焚
香入古殿待月出深竹稍覺天籟清自傷人世促宗雷
此相遇偃放從所欲清論松枝一作月輪低閒吟茗花熟一
生如土梗萬慮相桎梏永願事潛師窮年此棲宿

偶來人境外心賞幸隨君古殿煙霞夕深山松桂薰巖
花點寒溜石磴埽春雲清淨諸天近喧塵下界分名僧

康寶

一作保

月上客沈休文共宿東林夜清猿徹曙聞

題崔山人草堂

竹徑茆堂接洞天，閒時麈尾漱春泉。世人車馬不知處，

時有歸雲到枕邊。

一作前

徐孺亭馬上口號

并序

鍾陵東湖之南有亭亭中有二碑一則故曲江張
公所製徐徵君碣一則北海李公所製放生池碑
噫夫二君子久隨化往而二文之盛傳於天下貞
元初余為是邦從事每將迎郊勞多經是間且以

其尚賢好生皆醇仁之首也因歎不得與二賢同
時論文變損益亭址圯壞苔篆磷趺古風如在感
舊依然而通馗在側平湖在下波流穀擊日月無
窮因於馬上口號絕句詩一首以寄愀愴

湖上荒亭臨水開龜文篆字積莓苔曲江北海今何處
盡逐東流去不迴

哭劉四尚書

勒於碑陰

士友

一作

惜

一作昔

賢人天朝喪守臣才華推獨步聲氣

幸相親理析寰

一作環

中妙儒為席上珍笈言成月旦風

韻挹天真丹地膺推擇青油寄撫循豈言朝象魏翻是

卧漳濱命賜龍泉重追榮密印陳撤弦驚物故庀具見

家貧牢落風悲笛汎瀾涕泣巾只

一作共

嗟蒿里月非復

柳營春黃絹碑文在青松隧路新音容無處所歸作北

邨塵

張工部至薄寒山下有書無由馳報輶車之至

倍切悲懷

書來遠自薄寒山繚繞洮河出古關今日難裁秣陵報
薤歌寥落柳車邊

工部發引日屬傷足卧疾不遂執紼

子春傷足日況有寢門哀元伯歸全去無由白馬來笳
簫里巷咽龜筮墓田開片石潺湲淚含悲敘史才

從事淮南府過亡友楊校書舊廳感念愀然

下

有遂書
十韻

故人隨化往倏忽今六霜及我就拘限清風留此堂松

竹逾映蔚

一作鬱

芝蘭自銷亡絕弦罷流水聞笛同山陽

頰

一作瑩一作潔

如冰玉姿繁若鸞鳳章欲翥摧勁翮先秋落

貞芳正平賦鸚鵡文考頌靈光二子古不弔夫君今何

一作可

傷黃墟

一作墟

既杳杳玄化亦茫茫豈必限宿草含

悽

一作淚

灑衣裳

哭李晦庵崔季文二處士

華封西祝堯貴壽多男子二賢無主後貧賤大壯齒未
成鴻鵠姿遽頓驂騑趾子淵將叔度自古不得已

觀葬者

塗芻隨晝哭數里至松門貴盡人間禮寧知逝者魂笳
簫出古一作廣陌煙雨閉寒原萬古皆如此傷心反不言

成一作感南陽墓

枯一作叢菱沒古基一作墓駁蘚蔽豐碑向晚微風起如聞

坐嘯時

周平西墓

英威今寂寞陳跡對崇丘壯志清風在荒墳白日愁窮

泉那復曉喬木不知秋歲一作晚歲寒塘側無人水自流

蘇小小墓

萬古一作木荒墳在悠然我獨尋寂寥紅粉盡冥冥一作漢

黃泉深蔓草映寒水空郊暖夕陰風流有佳句吟眺一

傷心

題柳郎中茅山故居一作柳谷汧故居

下馬荒堦一作郊日欲曛潺潺石溜靜中聞鳥啼花落人

聲絕寂寞山窗掩白雲

哭張十八校書

數日前辱書未及
還荅俄承凶訃

芸閣為郎一命初
桐州寄傲十年餘
魂隨逝水歸何處
名在新詩衆不如
蹉跎江浦生華髮
牢落寒原會素車
更憶八行前日到
含悽為報秣陵書

題亡友江畔舊居

寥落留三徑
柴扉對楚江
蟪蛄集暗壁
蜥蜴走寒窗
松蓋歌書幌
苔衣上酒缸
平生斷金契
到此淚成雙

御定全唐詩卷三百二十六

欽定四庫全書

御定全唐詩卷三百二十七

權德輿

德宗神武孝文皇帝挽歌詞三首

覆露雍熙運澄清教化源賡歌凝庶績羽舞被深恩纂
業光文祖貽謀屬孝孫恭聞留末命猶是愛元元
梯航來萬國玉帛慶三朝湛露恩方浹薰風曲正調晏
車悲鹵簿廣樂遏簫韶最愴號弓處龍髯上熬霄

常時柏梁宴玉斚恩波徧今日穀林歸靈輶煙雨霏喬
山森羽騎渭水擁旌旂仙馭何由見耘田鳥自飛

順宗至德大安孝皇帝挽歌三首

時充南
簿使

十葉開昌運三辰麗德音薦功期瘞玉昭儉每捐金解
澤皇風徧虞泉白日沈仍聞起居注焚奏感人心

孝理本憂勤玄功在嗇神睿圖傳上嗣壽酒比家人仙
馭三清遠行宮萬象新小臣司吉從還扈屬車塵

候曉傳清蹕共瞻宮輅出迎風引綵旒遙想望陵愁弓

劍隨雲氣衣冠奉月游空餘駕龍處搖落鼎湖秋

昭德皇后挽歌詞

淮水源流遠塗山禮命升往年求故劍今夕祔初陵鸞
鏡金波澀輦衣玉彩凝千年子孫慶孝理在蒸蒸

大行皇太后挽歌詞三首

王氏

筮水靈源濬因山祔禮崇從龍開隧路合璧向方中殿
帳金根出廡衣玉座空唯餘文母化陰德滿公宮

配禮歸清廟靈儀出直城九虞寧厚載一惠易尊名曉

漏銅壺澀秋風羽翼輕
容車攀望處孺慕切皇情
哀笳出長信寶劍入延津
嗚咽宮車進淒涼祠殿新
青烏靈兆久白燕瑞書頻
從此山園夕金波照玉塵

惠昭皇太子挽歌詞二首

前星落慶霄薤露逐晨飈
宮仗黃麾出仙遊紫府遙
空嗟鳳吹去無復雞鳴朝
今夜西園月重輪更寂寥
東朝聞楚挽羽翮依稀轉
天歸京兆新日與長安遠
蘭芳落故殿桂影銷空苑
騎吹咽不前風悲九旗卷

贈文敬太子挽歌詞二首

盤石公封重瑤山贈禮尊歸全榮備物樂善積深恩鴈
沼寒波咽鸞旌夕吹翻唯餘西靡樹千古霸陵原

銅壺曉漏初羽翼擁塗車方外留鴻寶人間得善書清
笳悲畫綬朱邱散長裾還似緱山駕飄飄向碧虛

贈鄭國莊穆公主挽歌二首

追飾崇湯沐遺芳藹禁闈秋原森羽衛夜壑掩容輝
藻藻悲難盡公宮望不歸笳簫向煙霧疑是綵鸞飛

舊館閉平陽容車啟壽堂霜凝薜英落風度薤歌長淑
德圖書在皇慈禮命彰淒涼霸川曲壟樹已成行

贈魏國憲穆公主挽歌詞二首

漢制榮車

一作儀

服周詩美肅雍禮尊同姓主恩錫大名

封外館留圖史陰堂閉德容睿詞

一作歌

悲薤露千古仰

芳蹤

秦樓曉月殘鹵簿列材官紅綬蘭桂歇粉田風露寒凝
笳悲駟馬清鏡掩孤鸞愍冊徽音在都人雪涕看

贈梁

一作涼

國惠康公主挽歌詞二首

外館嬪儀貴中參睿渥深初笄橫白玉盛服鏤黃金風

一作鳳

度簫聲遠河低婺彩沈夜臺留冊謚悽愴即

一作有

薇音

杳靄異湘川飄颻駕紫烟鳳樓人已去鸞鏡月空懸霧
濕湯沐地霜凝脂粉田音容無處所應在玉皇前

故太尉兼中書令贈太師西平王挽詞

翊戴推元老謀猷合大君河山封故地金石表新墳劍

履歸長夜笳簫咽暮雲還經誓師處薤露不堪聞

故司徒兼侍中贈太傅北平王挽詞

授律勲庸盛居中鼎鼐和佐時調四氣盡

一作宣

力淨三

河忽訪天

一本缺

京兆空傳漢伏波今朝麟閣上偏軫聖

情多

奉和禮部尚書酬楊著作竹亭歌

直城朱戶相遷連九達丹轂聲聞聞春官自有花源賞

終日南山當目前晨搖玉佩趨溫室莫入竹溪

一作蹊

疑

洞天煙銷雨過看不足晴翠鮮飈逗深谷獨謠一曲泛
流霞閒對千竿連淨綠縈迴疏鑿隨勝地石磴岩扉光
景異虛齋寂寂清籟啞幽澗紛紛雜英墜家承麟趾貴
劍有龍泉賜上奉明時事無事人間方外興偏多能以
簪纓狎薜蘿常通內學青蓮偈更奏新聲白雪歌風入
松雲歸棟鴻飛滅處猶目送蝶舞閒時夢忽成一作忽成夢
蘭臺有客叙交情返照中林曳履聲一作迎直為君恩一作
思催造膝東方辨色謁承明

奉和張僕射朝天行

元侯重寄貞師律三郡

一作都

四封今靜謐丹轂常思闕

下來熟泥忽自天中出軍裝喜氣倍趨程千騎鳴珂入

鳳城周王致理稱申甫今日賢臣見明主拜恩稽首紛

無已凝旒前席皇情喜逢時自是山出雲獻可還同石

投水昔歲褒衣梁甫吟當時已有致君心專城一鼓妖

氛靜擁旆十年天澤深日日披誠奉昌運王人織路傳

清問仙醞嘗分玉笋濃御閑更輟金羈駿元正前殿朝

君臣一人負宸百福新宮懸綵仗儼然合瑞氣爐煙相
與春萬年枝上東風早珮玉晨趨光景好塗山已見首
諸侯麟閣終當畫元老溫室沈沈漏刻移退朝賓侶每
相隨雄詞樂職波濤闊曠度交歡雲霧披自古全才貴
文武懦夫只解冠章甫見公抽匣百鍊光試欲磨鉛諒
無助

一作
取

和李中丞慈恩寺清上人院牡丹花歌

澹蕩韶光三月中牡丹偏自占春風時過寶地尋香徑

已見新花出故叢曲水亭西杏園北濃芳深院紅霞色

擢秀全勝珠樹林結根幸在青蓮域艷藥鮮一作仙房次

第開含煙洗露照蒼苔龐眉倚杖禪僧起輕翅紫枝舞

蝶來獨坐南臺時共美閒行古剎情何已花間一曲奏

陽春應為芬芳比君子

錫杖歌送明

一無明字

楚上人歸佛川

上人遠自西天竺

一作至

頭陀行徧國

一作南

朝寺口翻貝

葉古字經手持金策聲泠泠護法護身唯振錫石瀨雲

溪深寂寂乍來松徑風更一作露寒遙映霜天月成魄後

夜空山禪誦時寥寥挂在枯樹枝真法常傳心不住東
西南北隨緣路佛川此去何時迴應真莫便遊天台

馬秀才草書歌

大理馬
正之二

伯英草聖稱絕倫後來學者無其人白眉年少未弱冠
落紙紛紛運纖腕初聞之子十歲餘當時時輩皆不如
猶輕昔日墨池學未許前賢團扇書艷彩芳姿相點綴
水映荷花風轉蕙三春併向指下生萬象爭分筆端勢

有時當暑如清秋滿堂風雨寒颼颼乍疑崩崖瀑水落
又見古木飢鼯愁變化縱橫出新意眼看一字千金貴
憶昔謝安問獻之時人雖見那得知

離合詩贈張監閣老

一作以離合詩
贈秘書監張薦

黃葉從風散暗

一作共

嗟時節換忽見鬢邊霜勿辭林下

觴躬行君子道身

一作辜

負芳名早帳殿漢官儀巾車塞

垣草交情劇斷金文律每招尋始知蓬山下如見古人

心

思張公

春日雪酬潘孟陽迴文

酒杯春醉好飛雪晚庭閒久憶同前賞中林對遠山

五雜組

五雜組旗亭客往復還城南陌不得已天涯謫

數名詩

一區揚雄宅恬然無所欲二頃季子田歲晏常自足三
端固為累事物反微束四體苟不勤安得豐菽粟五侯
誠暉暉榮甚或為辱六翮未騫翔虞羅乃相觸七人稱

作者杳杳有遐躅八桂挺奇姿森森照初旭九歌傷澤畔怨思徒刺促十翼有格言幽貞謝浮俗

星名詩

虛懷何所欲歲晏聊懶逸雲翼謝翩翩松心保貞實風秋景氣爽葉落井逕出陶然美酒酣所謂幽人吉自當輕尺璧豈復埽一室安用簪進賢少微斯可必

卦名詩

節變忽驚春臨風騁望頻支頤倦書幌步履整山中時

鳥漸成曲雜芳隨意新曙霞連觀闕綺陌麗咸秦天地

今交泰雲雷背

一作昔

遘屯中孚諒可樂書此示家人

藥名詩

七澤蘭芳千里春瀟湘花落石磷磷有時浪白微風起
坐釣藤陰不見人

古人名詩

藩宣秉戎寄衡石崇勢位年紀信不留弛張良自媿樵
蘇則為慙瓜李斯可畏不顧榮官

一作官

尊每陳豐畝利

家林類巖巘負郭躬斂積忌滿寵生嫌養蒙恬勝智疎
鐘皓月曉晚景丹霞異澗谷永不諼山梁翼無累頗符
生聲學得展禽尚志從此直不疑支離疎世事

州名詩寄道士

金蘭同道義瓊簡復芝田平楚白雲合幽崖丹桂連松
峯明愛景石竇納新泉興永南山壽歡隨萬福延

八音詩

金谷盛繁華涼臺列簪組石崇留客醉綠珠當座舞絲

淚可銷骨冶容竟何補竹林諒賢人滿酌無所苦
窮居容宴豆儒室貴環堵土鼓與污尊頤神則為愈
革道當在早謙光斯可取木鴈才不才吾知養生主

建除詩

建節出王都雄雄大丈夫除書加右職騎吏擁前驅
滿月張繁弱含霜耀盧平明躍騾褭清夜擊珊瑚
定遠功那比平津策乃迂執心思報國效節在忘軀
破膽銷丹浦顰蛾舞綠珠危冠徒自愛長轂事應殊
成績封千

室疇勞使五符收功輕驟衛致理邁黃虞開濟今如此
英威古不殊閉關草玄者無乃誤為儒

六府詩

金罍映玉俎賓友紛宴喜木蘭泛方塘桂酒啟皓齒水
榭臨空迴酣歌當座起火雲散奇峯瑤瑟韻清徵土梗
乃虛論康莊有逸軌穀成一編書談笑佐天子

三婦詩

大婦刺繡文中婦縫羅裙小婦無所作嬌歌遏行雲丈

人且安坐金爐香正薰

安語

巖巖五岳鎮方輿八極廓清氛祲除
揮金得謝歸里閭
象牀角枕支體舒

危語

被病獨行逢乳虎狂風駭浪失櫂櫓
舉人看榜聞曉鼓
孱夫孽子遇妬母

大言

華嵩為佩河為帶南交北朔跬步內搏鵬作腊巨鰲鱗
伸舒軼出元氣外

小言

醢鷄伺晨駕蚊翼毫端棘刺分畛域蛛絲結構聊蔭息
蟻垤崔嵬不可陟

御定全唐詩卷三百二十七

欽定四庫全書

御定全唐詩卷三百二十八

權德輿

雜詩五首

婉彼嬴氏女吹簫偶蕭史綵鸞駕非

一作霏

煙綽約兩僊

子神期諒交感相顧乃如此豈比成都人琴心中夜起
陽臺巫山上風雨忽清曠朝雲與遊龍變化千萬狀魂
交復目斷縹緲難比况蘭澤不可親凝情坐惆悵

淇水春正綠上宮蘭葉齊光風兩搖蕩鳴珮出中閨一
顧授橫波千金呈瓠犀徒然路傍子怳怳復悽悽

碧樹泛鮮飈玉琴含妙曲佳人掩鸞鏡婉婉凝相矚文
桂映東素香黛宜暎綠寂寞遠懷春何時來比目

含顰倚瑤瑟丹慊結繁慮失身不自還萬恨隨玉筋靡
蕪山下路團扇秋風去君看心斷時猶在目成處

廣陵詩

廣陵實佳麗隋李此為京八方稱輻湊五達如砥平大

旆映空色笳簫發連營層臺出重霄金碧摩顙清交馳
流水轂迴接浮雲薨青樓旭日映綠野春風晴噴玉光
照地顰蛾價傾城燈前牙一作類巧筴陌上相逢迎飄颻
翠羽薄掩映紅襦明蘭麝遠不散管弦閒自清曲士守
文墨達人隨性情茫茫竟同盡冉冉將何營且申今日
歡莫務身後名肯學諸儒輩書窗誤一生

古意

家人強進酒酒後

一作復

能忘情持杯未飲時衆感紛已

盈明月照我房庭柯振秋聲空庭白露下枕席涼風生

所思萬里餘水閣山縱橫佳期憑夢想未曉愁雞鳴願

將得

一作

一心人

一作二人心

當年歡樂平長筵暝玉俎素手

彈秦箏曖睇呈巧笑惠音激淒清此願良未果永懷空

如醒

一作醒

雜言和常州李員外副使春日戲題十首

并序諸

本序

皆闕

隨風柳絮輕暝日杏花明無奈花深處流鶯三數聲

蘭橈畫舸轉花塘
水暝風搖路漸香
任興不知行近遠
更憐微月照鳴榔

簷前曉色驚雙燕
戶外春風舞百花
粉署可憐閒對此
唯令碧玉泛流霞

枕上覺窗外曉怯朝光
驚曙鳥花墜露滿芳沼
柳如絲風裏裏佳期遠
相見少試一望魂杳渺

閒庭無事獨步春輝韶
光滿日落藥盈衣
芳樹交柯禽並飛
婉彼君子悵然有違對
酒不飲橫琴不揮不揮

者何知音誠稀

江春好游行處處芳菲積綵舫入花津香車依柳陌綠
楊煙裊裊紅蘂鶯寂寂如何愁思人獨與風光隔

曙月漸到窗前移尊更就芳筵輕吹乍搖蘭燭春光暗
入花鈿絲竹偏宜靜夜綺羅共占韶年不遣通宵盡醉
定知辜負風煙

露洗百花新簾開月照人綠窗銷暗燭蘭徑埽清塵雙
燕頻驚夢三桃競報春相思寂不語珠淚灑紅巾

雨歇風輕一院香紅芳綠草

一作翠

接東牆春衣試出當

軒立定被鄰家暗斷腸

春風半春光徧柳如絲花似霰歸心勞夢寐遠目傷遊
眄可惜長安無限春年年空向江南見

相思曲

一作長相思

少小別潘郎嬌羞倚畫堂有時裁尺素無事約殘黃鵲
語臨妝鏡花飛落繡牀相思不解說明月照空房

古樂府

風光

一作光風

澹蕩百花吐樓上朝朝學歌舞身年二八

侍中幼妹承恩兄尚主綠窗珠箔繡鴛鴦侍婢先焚百和香鶯啼日出不知曙寂寂羅幃春夢長

渡江秋怨二首

秋江平秋月明孤舟獨夜萬里情萬里情相思遠人不見兮淚滿眼

渡秋江兮渺然望秋月兮嬋娟色如練萬里徧我有所思兮不得見不得見兮露寒水深耿遙夜兮傷心

秋閨月

三五二八月

一作光

如練海上天涯應

一作人

共見不知何

處玉樓前乍入深閨玳瑁筵露濃香逕和愁坐風動羅
幃照獨眠初卷珠簾看不足斜抱瑩篴未成曲稍映妝
臺臨綺窗遙知不語淚雙雙此時愁望知何極萬里秋
天同一色靄靄遙分陌上光迢迢對此閨中憶早晚歸
來歡讌同可憐歌吹月明中此夜不堪腸斷絕願隨流
影到遼東

薄命篇

一作妾
薄命篇

昔住邯鄲年尚少只是嬌羞弄花鳥青樓碧紗大道邊
綠楊日暮風裊裊嬋娟玉貌二八餘自憐一作
粉顏色花

不如麗質全勝秦氏女藁砧寧用專城居歲去年來年

漸長青春

一作
蛾

紅粉全堪賞玉樓珠箔但閒居南陌東

城詎來往韶光日日看漸遲標梅既落行有時寧知燕

趙娉婷子翻嫁幽并游俠兒年年結束青絲騎出門一

去何時至秋月空懸翡翠簾春幃嬾卧鴛鴦被沙塞經

時不寄書深閨愁獨意何如花前拭淚情無限月下調

琴

一作弦

恨有餘離別苦多相見少洞房愁夢何由曉閒

看雙燕淚霏霏靜對空牀魂悄悄鏡裏紅顏不自禁陌
頭香騎動春心為問佳期早晚是人人總解有黃金

放歌行

夕陽不駐東流急榮名貴在當年

一作時

立青春虛度無

所成白首銜悲亦何及拂衣西笑出東山君臣道合俄
頃間一言一笑玉墀上變化生涯如等閒朱門杳杳列

華戟座中皆是王侯客鳴環動珮暗珊珊駿馬花驄白

玉鞍十千斗酒不知貴半醉留賓邀盡歡銀燭

一作燈

煌

煌夜將久侍婢金疊瀉春酒春酒盛來琥珀光暗聞蘭

麝幾般香乍看皓腕映羅袖微聽清歌發杏梁雙鬟美

人君不見一一皆勝趙飛燕迎杯乍舉石榴裙勻粉時

交合歡扇未央鐘漏醉中聞聯騎朝天曙色分雙闕煙

雲遙靄靄五衢車馬亂紛紛罷朝鳴珮驟歸鞍今日還

同昨日歡歲歲年年恣遊讌出門滿路光輝徧一身自

樂何足言九族為榮真可羨男兒稱意須及時閉門下
惟人不知年光看逐轉蓬盡徒詠東山招隱詩

旅館雪晴又覩新月衆興所感因成雜言

寥寥深夜雪初晴樓上雲開月漸明池中片影依稀見
簾外清光遠近生皎皎晴空疑破鏡廣庭積素偏相映
珠簾卷却光更深玉指持來色逾淨夢覺青樓最可憐
嬋娟素魄滿寒天天地寥寥同一色秦淮楚江無限極
歸鴻斷猿何處聲深閨旅館遙相憶長安五侯華閣開

嘉賓列坐傾金罍賞明月翫流雪纖手蛾眉座中設清
歌一聲無斷絕夜已央

一本缺一作殘

樂未闌狐裘獸炭不知

寒珠環翠珮聲珊珊履舄紛紜桂袖攢朱顏倚醉盡君
歡人生少年全不久相看且勸杯中酒丈夫富貴自有
期映雪讀書徒白首

玉臺體十二首

鶯啼蘭已紅見出鳳城東粉汗宜斜日衣香逐上風情
來不自覺暗駐五花驄

嬋娟二八正嬌羞日暮相逢南陌頭試問佳期不肯道
落花深處指青樓

隱映羅衫薄輕盈玉腕圓相逢不肯語微笑畫屏前
知向遼東去由來幾許愁破顏君莫怪嬌小不禁羞

樓上吹簫罷閨中刺繡闌佳期不可見盡日淚潺潺

淚盡

一作畫足

珊瑚枕魂銷玳瑁牀羅衣不忍著

一作看

羞見

繡鴛鴦

君去期花時花時君不至簷前雙燕飛落妾相思淚

空閨滅燭後

一作夜

羅幌獨眠時
淚盡腸欲斷
心知人不

知

秋風一夜至
吹盡後庭花
莫作經時別
西鄰是宋家
獨自披衣坐
更深月露寒
隔簾腸欲斷
爭敢下階看
昨夜裙帶解
今朝蟛子飛
鉛華不可棄
莫是藁砧歸
萬里行人至
深閨夜未眠
雙眉燈下埽
不待鏡臺前

贈友人

時友人新有別恨者

知向巫山逢日暮
輕袿玉佩斲淹留
曉隨雲雨歸何處

還是襄王夢覺愁

舟行見月

月入孤舟夜半晴
寥寥霜鴈兩三聲
洞房燭影在何處
欲寄相思夢不成

雜興五首

叢鬢愁眉時勢新
初筭絕代北方人
一顰一笑千金重
肯似成都夜失身

乍聽絲聲似竹聲
又疑丹穴九雛驚
金波露洗淨於晝

寂寞不堪深夜情

琥珀尊開月映簾調弦理曲指纖纖含羞歛態勸君住
更奏新聲刮骨鹽

乳燕雙飛鶯亂啼百花如繡照深閨新妝對鏡知無比
微笑時時出瓠犀

巫山雲雨洛川神珠襪香腰穩稱身惆悵妝成君不見
含情起立問傍人

御定全唐詩卷三百二十八

欽定四庫全書

御定全唐詩卷三百二十九

權德輿

祇役江西路上以詩代書寄內

辛苦事行役風波倦晨暮搖搖結遐心靡靡即長路別
來如昨日每見缺蟾兔潮信催客帆春光變江樹宦遊
豈云愜歸夢無復數愧非超曠姿循此跼促步笑言思
暇日規勸多遠度鶉服我久安荆釵君所慕伊予多昧

理初不涉世務適因擁腫材成此嬾慢趣一身常抱病
不復理章句胸中無町畦與物且多忤既非大川楫則
守南山霧胡為出處間徒使名利污羈孤望予祿孩穉
待我舖未能即忘懷恨恨以此故終當稅鞵鞅豈待畢
婚娶如何久人寰俛仰學舉措衡茅去迢遞水陸兩馳
騫晰晰窺曉星塗塗踐朝露靜聞田鶴起遠見沙鴉聚
怪石不易躋急湍那可泝漁商聞遠岸煙火明古渡下
碇夜已深上碇波不駐畏途信非一離念紛難具枕席

有餘清壺觴無與晤南方出蘭桂歸日自分付北窗留
琴書無乃委童孺春江足魚鴈彼此勤尺素早晚到中
閨怡然兩相顧

夜泊有懷

棲鳥向前林暝色生寒蕪孤舟去不息衆感非一途川
程方浩淼離思方鬱紆轉枕眼一作睡未熟擁衾淚已濡
窘然風水上寢食疲朝晡心想洞房夜知君還向隅

自桐廬如蘭溪有寄

東南江路舊知名，惆悵春深又獨行。
新婦山头雲半歛，女兒灘上月初明。
風前蕩颺雙飛蝶，花裏間關百轉鶯。
滿目歸心何處說，歛眸搔首不勝情。

相思樹

家寄

一作遠

江東遠

一作道

身對江西春空見，相思樹不見。

相思人

石楠樹

石楠紅葉透簾春，憶得妝成下錦茵。
試折一枝含萬恨，

分明說向夢中人

斗子灘

斗子灘頭夜已深
月華偏照此時心
春江風水連天闊
歸夢悠揚何處尋

黃蘗館

驅車振楫越山川
候曉通宵冒煙雨
青楓浦上魂已銷
黃蘗館前心自苦

清明日次弋陽

自歎清明在遠鄉
桐花覆水葛溪長
家人定是持新火
點作孤燈照洞房

中書夜直寄贈

通籍在金閨
懷君百慮迷
迢迢五夜永
脈脈兩心齊
步屐疲青瑣
開緘倦熬泥
不堪風雨夜
轉枕憶鴻妻

病中寓直代書題寄

愚夫何所任
多病感君深
自謂青春壯
寧知白髮侵
寢興勞善祝
踈嬾愧良箴
寂寞聞宮漏
那堪直夜心

端午日禮部宿齋有衣服綵結之貺以詩還荅

良辰當五日偕老祝千年綵縷同心麗輕裾映體鮮寂

寥齋畫省欸

一作疑

曲擘香牋更想傳觴處孫孩徧目前

酬九日

重九共遊

一作歡

娛秋光景氣殊他時頭似雪還對揀茱

萸

和九日從楊氏姊遊

秋光風露天令節慶初筵易象家人吉閨門女士賢招

邀菊酒會屬和柳花篇今日同心賞全勝落帽年

上巳日貢院考雜文不遂赴九華觀袂襖之會

以二絕句申贈

一作上巳日
貢院贈內

三日韶光處處新九華仙洞七香輪老夫留滯何由往

一作
去

珉玉相和正遶身

時以沽美
玉為詩題

襖飲尋春興有餘深情婉婉見雙魚同心齊體如身到
臨水煩君便袂除

和九華觀見懷貢院八韻

上已好風景仙家足芳菲地殊蘭亭會人似山陰歸
丹竈綴珠掩白雲巖逕微真宮集女士虛室涵春輝
拘限心杳杳歡言望依依滯茲文墨職坐與琴觴違
麗曲滌煩虛幽緘發清機支頤一吟想恨不雙翻飛

桃源篇

小年嘗讀桃源記忽覩良工施繪事巖逕初欣繚繞通
溪風轉覺芬芳異一路鮮雲雜彩霞漁舟遠逐桃花
漸入空濛迷鳥道寧知掩映有人家龐眉秀骨爭迎客

鑿井耕田人世隔不知漢代有衣冠猶說秦家變阡陌
石髓雲英甘且香仙翁留飯出青囊相逢自是松喬侶
良會應殊劉阮郎內子閒吟倚瑤瑟翫此沈沈銷永日
忽聞麗曲金玉聲便使老夫思閣筆

新月與兒女夜坐聽琴舉酒

泥泥露凝葉騷騷風入林以茲皓月圓不厭良夜深列
坐屏輕箴放懷弦素琴兒女各冠笄孫孩遶衣襟乃知
大隱趣宛若滄洲心方結偕老期豈憚華髮侵笑語向

蘭室風流傳玉音愧君袖中字價重雙南金

七夕

今日雲輶渡鵲橋應非脈脈與迢迢家人競喜開妝鏡
月下穿針拜九霄

縣君赴興慶宮朝賀載之奉行冊禮因書即事
合卺交歡二十年今朝比翼共朝天風傳漏刻香車度
日照旌旗綵仗鮮顧我華簪鳴玉珮看君盛服耀金鈿
相期偕老宜家處鶴髮魚軒更可憐

元和元年蒙恩封成紀縣伯時室中封安喜縣
君感慶兼懷聊申賀贈

啟土封成紀宜家縣安喜同欣并賦開共受閨門祉珩
璜聯采組琴瑟諧宮徵更待懸車時與君歡暮齒

河南崔尹即安喜從兄宜于室家四十餘歲一
昨寓書病傳永寓告身既枉善祝因成絕句

五色金光鸞鳳飛三川墨妙巧相輝尊崇善祝今如此
共待曾玄捧翟衣

奉使豐陵職司鹵簿通宵涉路因寄內

綠仗列森森行宮夜漏深
斧鉞方啟路鉦鼓正交音
曙月思蘭室前山辨穀林
家人念行役應見此時心

酬南園新亭宴會璩新第慰慶之作時任賓客

南宮

一作亭

煙景濃平視中

一作終

南峯官閑似休沐盡室

來相從日抱漢陰甕或成蝴蝶夢樹老欲連雲竹深疑
入洞歡言交羽觴列坐儼成行歌吟不能去待此明月
光好逌蘊明識內顧多慙色不厭梁鴻貧常譏伯宗直

予壻信時英諫垣金玉聲男兒纔弱冠射策幸成名偃
放斯自足翛然去營欲散木固無堪虛舟常任觸大隱
本吾心喜君流好音相期懸車歲此地即中林

七夕見與諸孫題乞巧文

外孫爭乞巧內子共題文
隱映花匳對參差綺席分
鵲橋臨片月河鼓掩輕雲
羨此嬰兒輩歡呼徹曙聞

太常寺宿齋有寄

轉枕挑燈候曉雞相

一作想

君應歎太常妻長年多病偏

相憶不遣歸時醉似泥

朝迴閱樂寄絕句

子城風煖百花初樓上龜茲引導車曲罷卿卿理駟馭
細君相望意何如

中書宿齋有寄

銅壺漏滴

一作滴漏

斗闌干泛艷金波照露盤遙想洞房眠

正熟不堪深夜鳳池寒

中書送勅賜齋饌戲酬

常日每齊眉今朝共解頤遙知大官膳應與衆維嬉

勅賜長壽酒因口號以贈

恩霑長壽酒歸遺同心人滿酌共君醉一杯千萬春

湖南觀察使故相國袁公挽歌二首

一作劉禹錫詩以下

五首並見
文苑英華

五驅龍虎節一入鳳皇池令尹自無喜羊公人不疑天
歸京兆日葉下洞庭時湘水秋風至淒涼吹素旗

丹旄發江臯人悲鴈

一作馬

亦號湘南罷亥市漢上改詞

曹表墓雙碑立尊名一字寢常聞平楚獄為報里門高
玉山嶺上作

悠悠驅匹馬征路上連岡晚翠深雲竇寒苔淨石梁荻
花偏似雪楓葉不禁霜愁見前程遠空郊下夕陽

題邵端公林亭

春光何處好

一作足

柱史有林塘鶯轉風初暖花開日欲

長鑿池通野

一作舊

水掃徑閱新芳更置盈尊酒時時醉

楚狂

酬裴傑秀才新櫻桃

新果真瓊液來應宴熟蘭圓疑竊龍頷色已奪雞冠遠

火微微辨殘星隱隱看茂先知味易

一作好

曼倩恨偷難

忍用烹騂駱從將翫玉盤流年如可駐何必九華丹

次滕老莊

征途無旅館當晝喜逢君羸病仍留客朝朝掃白雲

宿嚴陵

身羈從事驅征傳江入新安泛暮濤今夜子陵灘下泊

自慙相去九牛毛

題雲師山房

雲公蘭若深山裏
月明松殿微風起
試問空門清淨心
蓮花不著秋潭水

棲霞寺雲居室

一徑縈紆至此窮
山僧盥漱白雲中
閒吟定後更何事
石上松枝常有風

舟行夜泊

蕭蕭落葉送殘秋
寂寞寒波急暝流
今夜不知何處泊
斷猿晴月引孤舟

發硤石路上却寄內

莎柵東行五谷深
千峯萬壑雨沈沈
細君幾日路經此
應見悲翁相望心

冬至宿齋時郡君南內朝謁因寄

清齋獨向丘園拜
盛服想君興慶朝
明日一陽生百福
不辭相望阻寒宵

和河南羅主簿送校書兄歸江南

兄弟泣殊方天涯指故鄉
斷雲無定處歸鴈不成行
草莽人煙少風波水驛長
上虞親渤海東楚隔瀟湘
古戍陰傳火寒蕪曉帶霜
海門潮濫濫沙岸荻蒼蒼
京輦辭芸閣衡方憶草堂
知君始寧隱還緝舊荷裳

與故人夜坐道舊

笑語歡今夕煙霞愴昔遊
清羸還對月遲暮更逢秋
勝理方自得浮名不在求
終當製初服相與卧林丘

句

未水波紋細湘江竹葉輕

未口見衡州名勝志

古時樓上清

明夜月照樓前撩亂花今日成陰復成子可憐春盡未

歸家

新婦磯頭雲半斂女兒灘畔月初明

以上見野客叢談

迴合千峯裏晴光似畫圖

征車隨反照候吏暎白

雲

石塘路有懷院

御定全唐詩卷三百二十九

欽定四庫全書

集部

御定全唐詩卷三百

三十三
三十二

詳校官庶吉士臣胡 鉉

主事銜臣徐以坤覆勘

總校官知縣臣繆 琪

校對官學正臣李 巖

謄錄監生臣于時和

欽定四庫全書

御定全唐詩卷三百三十

張薦

張薦字孝舉深州人薦之孫敏銳有文辭為顏真卿所賞真卿陷李希烈薦上疏論救為左拾遺論盧杞姦惡德宗納之擢諫議大夫將疏裴延齡惡延齡知之遣使回鶻還為秘書少監復使吐蕃三臨絕域占對詳辯卒贈禮部尚書詩三首

奉酬禮部閣老轉韻離合見贈

一作和樓載之
離合詩時為

秘書

監

移居既同里多幸陪君子弘雅重當朝
弓旌早見招植根瓊林圃直夜金闈步
勸深子玉銘力競相如賦間闕向春闈
日復想光儀格言信難繼木石強為詞

和潘孟陽春日雪迴文絕句

遲遲日氣暖漫漫雪天春知君欲醉飲
思見此交親

享文恭太子廟樂章

三獻具舉九旗將旋追勞表德罷享賓天風引仙管堂
虛畫筵芳馨常在瞻望悠然

崔邠

崔邠字處仁貝州武城人第進士官補闕疏論裴延齡
姦由中書舍人遷吏部侍郎久乃為太常卿知吏部尚
書銓為人沈密清儉兄弟以孝敬聞詩二首

禮部權侍郎閣老史館張秘監閣老有離合酬
贈之什宿直吟翫聊繼此章

一作和權載之離
合詩時為中書

舍人

脉脉羨佳期月夜吟麗詞諫垣則隨步東觀方承顧林
雪消艷陽簡冊漏華光坐更芝蘭室千載各芬芬節苦

文俱盛即時人

一作仍

竝命翩翩紫霄中羽翮相輝映

享文恭太子廟樂章

醴齊泛罇彝軒縣動干戚入室僂如在升階虔所歷奮
疾合威容定利舒皦澤方崇廟貌禮永被君恩錫

楊於陵

楊於陵字達夫弘農人年十九擢進士第節度使韓滉
奇之妻以女滉為相方權幸於陵不欲進取退廬建昌
滉卒乃為膳部員外郎歷中書舍人戶部侍郎元和初
出為嶺南節度使穆宗立遷戶部尚書以左僕射致仕
於陵器量方峻節操堅明時人尊仰之卒贈司空詩三
首

和權載之離合詩

時為中書舍人

校德盡珪璋才臣時所揚於情寄文律方茂經邦術王

猷符

一作三猷

發揮十載契心期
畫遊有嘉話
書法無隱

辭信茲酌和美言
與芝蘭比昨來恣

一作念

吟
繹日覺祛

蒙鄙

郡齋有紫薇雙本自朱明接于徂暑其花芳馥

數旬猶茂庭宇之內迴無其倫予嘉其美而能

久因詩紀述

於陵憲宗朝嘗為桂陽郡守詩為桂陽時作

晏朝受明命繼夏走天衢
逮茲三伏候息駕萬里途
省躬既跼蹐結思多煩紆
簿領幸無事宴休誰與娛
內齋

有嘉樹雙植分庭隅綠葉下成幄紫花紛若鋪
擣霞晚舒豔凝露朝垂珠炎沴晝方鏢幽姿閒
且都夭桃固難匹芍藥寧為徒懿此時節久詎
同光景驅陶甄試一致品彙乃散殊濯質非受
彩無心那奪朱粵予負羈繫留賞益踟躕通夕
靡云倦西南山月孤

贈毛仙翁

先生赤松侶混俗遊人間崑閬無窮路何時下
故山千年猶孺質秘術救塵寰莫便冲天去雲雷
不可攀

許孟容

許孟容京兆長安人舉進士甲科貞元初為張建封從事四遷侍御史德宗知其才徵為禮部員外郎遷給事中多所論奏元和中由太常卿為尚書左丞居官守正善拔士議論人物有大臣風采詩三首

答權載之離合詩

時為給事中

史一作敏

一作

才司秘府文哲今超古亦有擅風騷六聯文墨

曹聖賢三代意工藝千金字化識從臣謠人推仙閣吏

如登崑閬時口誦靈真詞
孫簡下威鳳系霜瓊玉枝

奉和武相公春曉聞鶯

碧樹當窗啼曉鶯
間關入夢聽難成
千回萬轉盡愁思
疑是血魂哀困聲

享文恭太子廟樂章

觴牢具品管弦有節
祝道寅恭神儀昭晰
桐珪早貴象輅追設
磬達樂成降歆豐潔

馮伉

馮伉魏州元城人大厯初舉五經又舉宏詞三遷膳部員外郎使澤潞不受幣德宗以其清可用授醴泉令為著諭蒙書以勸俗韋渠牟薦為給事中再領國子祭酒卒贈禮部尚書詩三首

和權載之離合詩

時為給事中

車馬退朝後聿懷在文友動詞宗伯雄重美良史功亦曾吟鮑謝二妙尤增價雨

于叶反

霜鴻唳天匝樹鳥鳴夜

覃思各

一作客

縱橫早擅希代名息心欲焚硯自覲

一作忝

陪羣英

享文恭太子廟樂章二首

撰日瞻景誠陳樂張禮容秩秩羽舞煌煌肅將滌濯祇
薦芬芳永錫繁祉思深享嘗

干旄羽籥相虧蔽一進一退殊行綴昔獻三雍盛禮容
今陳六脩崇儀制

潘孟陽

潘孟陽侍郎炎之子以蔭進登博學宏辭母劉晏女也

公卿多父友及外祖賓從故得薦用累至兵部郎中權
知戶部侍郎年未四十憲宗初巡省江淮憲宗嘗誡江
淮宣慰使鄭敬曰朕宮中用度一匹已上皆有簿領惟
贈卹貧民無所計筭卿宜體吾懷勿學潘孟陽奉使但
務酣飲遊山寺也詩三首

和權載之離合詩

詠歌有離合永夜觀酬答筭中操綵牋竹簡何足編意
深俱妙絕心契交情結計彼官接聯言初竝清切翔集

本相隨羽儀良在斯煙雲競文藻因喜翫新詩

春日雪以迴文絕句呈張薦權德輿

一作春日雪寄上張

二十九大大監請招禮部權曹

長迴文絕句時為戶部侍郎

春梅雜落雪發樹幾花開真須盡興飲仁里願同來

元日和布澤

至德生成泰咸歡照育恩流輝霑萬物布澤在三元北
闕祥雲迴東方嘉氣繁青陽初應律蒼玉正臨軒恩洽
因時令風和比化原自慙同草木無以答乾坤

武少儀

武少儀元和中嘗為大理卿詩二首

和權載之離合詩

時為國子司業

少年慕時彥小悟

一作悟

文多變木鐸比羣英八方流德

聲雷陳美交契雨雪音塵繼

一作寄

恩顧各飛翔因詩覩

瑰麗傳野絕遺賢人希有盛遷早欽風與雅日詠贈酬

篇

諸葛丞相廟

蜀志一作武侯祠

執簡焚香入廟門武侯神象儼如存因機定蜀延衰漢
以計連吳振弱孫欲盡智能傾僭盜善持忠節轉庸昏
宣王請戰貽巾幘始見才吞亦氣一作勢吞

御定全唐詩卷三百三十

欽定四庫全書

御定全唐詩卷三百三十一

段文昌

段文昌字墨卿一字景初貞元初授校書郎累擢翰林
學士中書舍人穆宗即位拜中書侍郎同中書門下平
章事未踰年出為劍南西川節度使文宗立拜御史大
夫節度淮南徙荆南終西川節度集三十卷今存詩四
首

享太廟樂章

肅肅清廟登顯至德澤周八荒兵定四極生物咸遂羣
盜滅息明聖欽承子孫千億

題武擔寺西臺

秋天如鏡空樓閣盡玲瓏水暗餘霞外山明落照中鳥
行看漸遠松韻聽難窮今日登臨意多歡語笑同

晚夏登張儀樓呈院中諸公

重樓窗戶開四望斂煙埃遠岫林端出清波城下迴乍

疑蟬韻促稍覺雪風來併起鄉關思銷憂在酒杯

還別業尋龍華山寺廣宣上人

十里惟聞松桂風江山忽轉見龍宮正與休師方話舊
風煙幾度入樓中

姚向

姚向長慶二年西川節度判官詩二首

奉陪段相公晚夏登張儀樓

秦相駕羣材登臨契上台查從銀漢落江自雪山來儷

曲親流火凌風洽小杯帝鄉如在目欲下盡裴回

和段相公登武擔寺西臺

開閣錦城中餘閒訪梵宮九層連畫景萬象寫秋空
天半將身到江長與海通提攜出塵土曾是穆清風

溫會

溫會以殿中侍御史為西川安撫判官詩二首

和段相公登武擔寺西臺

桑臺煙樹中臺榭造雲空眺聽逢秋興篇辭變國風坐

愁高鳥起笑指遠人同始愧才情薄躋攀繼韻窮

奉陪段相公晚夏登張儀樓

危軒重疊開訪古上裴回有舌嗟秦策飛梁駕楚材雲
霄隨鳳到物象為詩來欲和關山意已歌調更哀

李敬伯

李敬伯西川觀察巡官試大理評事詩二首

和段相公登武擔寺西臺

臺上起涼風乘閒覽歲功自隨台席貴盡許羽觴同樓

殿斜暉照江山極望通賦詩思共樂俱得詠時豐

奉陪段相公晚夏登張儀樓

層屋架城隈賓筵此日開文鋒摧八陣星分應三台望
雪煩襟釋當歡遠思來披雲霄漢近覽覺出塵埃

姚康

姚康字汝諧下邳人登元和十五年進士第試右武衛
曹參軍劍南觀察推官大中時終太子詹事詩四首

奉陪段相公晚登張儀樓

登覽值晴開詩從野思來蜀川新草木秦日舊樓臺池
景搖中座山光接上台近秋宜晚景極目斷浮埃

和段相公登武擔寺西臺

松逕引清風登臺古寺中江平沙岸白日下錦川紅疎
樹山根淨深雲鳥跡窮自慚陪末席便與九霄通

禮部試早春殘雪

微暖春潛至輕明雪尚殘銀鋪光漸濕珪破色仍寒無
柳花常在非秋露正團素光浮轉薄皓質駐應難幸得

依陰處偏宜帶月看
玉塵銷欲盡窮巷起素安

賦得巨魚縱大壑

水府乘閒望圓波
息躍魚從來暴泥久
今日脫泉初得志
寧相忌無心任宛如
龍門應可度蛟室豈
常居掉尾方窮樂
遊鱗每自舒乘流千
里去風力藉吹噓